

睿宗

章順王后

安順王后

成宗

恭惠王后

貞顯王后

列聖誌狀通紀

五

列聖誌狀通紀卷之十

睿宗襄悼欽文聖武懿仁昭孝大王

行狀

成宗即位初年已丑遣戶曹參判宋文琳如大明告訃請謚議政府撰行

實申禮部

王姓李

一本無姓諱

字

按實錄院相申叔

當言字

李二字與

世祖大王御字同

戊子

命世子字而此則不見於狀中有未敢詳也

惠莊王第二子

母妃尹氏坡平世族贈議政

府領議政璫之女以景泰元年

景泰元年一作正統十五年庚

午春正月丁丑生

王于邸岐嶷穎異

惠莊王

甚竒愛之天順元年丁丑秋九月世子

御諱德宗

卒惠莊王以王即世子同母弟且幼有賢德

遣吏曹判書韓明澮奏請立為世子帝許之勅

曰朕惟享有國土繼體為重今得王奏以世子

宗御早逝國人請立第二子御諱睿宗特允所請以

御諱睿宗為朝鮮國王世子王尚訓以忠孝俾敦德

秉義毋慢毋驕庶副國人之望惠莊王為置僚

佐一本無為置選名儒為伴讀王聰明強記不

煩師資惠莊王又作訓辭以授之王常服膺

奉以周旋入則敬承父王嚴訓出則樂與師友

切磋故德業夙成輿望日隆成化二年丙戌春

惠莊王親祀文廟王為亞獻禮畢與諸生齒讓

執經講論其升降揖遊皆中規度觀聽者莫不相
慶曰吾君之子也吾民之福也三年丁亥春

惠莊王不豫命王叅決庶務四年戊子秋九月

甲子惠莊王薨王遣工曹判書李石亨告訃

戶曹叅判李坡請承襲冬十月王手札下教曰

天生蒸

一本無蒸字

民而作之君司牧兆庶非為恣欲

自奉也予以寡昧早襲

先業明不能燭理

一本作微

德不能綏民欲資庶僚之助永保艱大之業若羣
臣有懷含默不言則茲所謂君門邈於萬里者也
政之得失民之休戚予何由知惟爾臣僚咸體予
意各慎乃職以補不逮全羅道觀察使辭王曰

今國家多事卿宜鎮靜不可勞擾如有冤枉者毋

徒徇法隨宜區處且聞僧徒頗擾民間有犯法者

痛治勿恕無度牒者並令充軍十一月寒甚王

軫念獄囚命刑官亟決放又下教求言採其利

國便民者用之平壤府人崔夫三年十二一本無

三字有父患惡疾自一本無患惡疾自斷手指一本

有和藥以進病遂愈王之一本有聞命有司褒賞

而復其戶以旌之遂下教諭諸道觀察使令搜

訪孝子烈婦實迹以啓一本無自褒至啓二十九

征役十二月漢人高哥光頭一本無光等男婦共

四口自虜中逃來王命有司厚資衣糧遣人押

解遼東如是解送者前後凡數十人五年己丑春

帝遣太監鄭同等賜祭于 惠莊王且錫 王

命勅曰得奏爾父

御諱世祖

薨逝朕甚悼惜茲遣太

監鄭同往爾國中諭祭遣太監崔安沈繪詔示爾

國人封爾為朝鮮國王繼爾父主國事

一本無自繼至事六

字爾宜敬以事上仁以撫下謙慎以守其貴儉約

以守其富確秉臣節永固藩邦并封爾妻韓氏為

王妃頒賜爾及爾妃誥命冠服綵幣至可領之

王以恩命有加於前益為感激即遣議政府左議

政洪允成中樞府知事魚世恭奉表謝恩 王急

於求賢慮有懷才抱德晦迹山林不能自達者

下教諭諸道觀察使搜訪敦遣於是稍有藝能者

莫不見用時有白鳥飛

一本有集字

苑中陪臣等啓曰

稽諸瑞牒誠感

宗廟則白鳥至

王曰予實寡

德何以致此卿等但當勉思補闕永孚于休夏五

月淫雨不止

下教慮囚放輕繫

一本有諭諸道觀察使

下教

今搜訪孝子烈婦錄實跡以啓二十一字

初

惠莊王遘疾

王視膳

湯藥晝夜不離側或召諸醫搜考方書目不交睫

者累月及其薨也擗踊哭泣水漿不入口居于倚

廬哀毀過制遂乖攝養至今年冬疾作日益沉綿

藥餌不效十一月二十八日薨王英明果斷恭

儉淵默自為世子時留意典墳令侍學者日三進

諱雖祁寒盛暑未嘗或輟 惠莊王嘗曰世子於

六藝

一本有已字

無所不通及即位聽斷事務之暇講

讀經史亶亶忘倦貫徹今昔

貫徹今昔一本作淹貫古今又有凡字

下教令皆以手札又親撰歷代世紀上下數千

載歷歷靡遺誠史學之要領也性又仁孝承事

母妃日必三朝極盡情禮親睦九族禮遇羣下家

法甚嚴女謁不行

王繼

惠莊王治平之後雖

四方無虞而不弛武備百姓殷富而儉於財用延

訪大臣虛襟

一本作懷

聽諫

一本作納

政有不便於民者則

必講究利病而釐革之慮守令之貪污也戒諭監

司痛繩以法患盜賊之害民也遣使諸道巡行按

治尤軫犴獄之苦數下告誡之書以罪之輕重事
之難易定為折獄之限俾無冤滯使羣僚輪對咨
訪得失勤於聽斷日旰忘食愛民好士劭農興學
敬事朝廷敬事本朝事大以誠進獻之物必親自檢
視凡發於號令措諸事業者皆足以增光前烈斯
民方仰熙洽之化而天不假年可勝痛哉

禮曹叅判臣李承召撰

按此文戊辰本以行狀誌文兩錄之而狀稱撰
臣不傳誌稱李承召撰蓋以實錄漏撰進人姓
名而承召文集誤以狀為誌也已亥本以狀誌
文同且別有誌主其所謂誌者而猶不填名於
此故今正之

昌陵誌文

年庚寅 成宗元

恭惟我

睿宗大王諱

字

世祖第二子

慈聖王妃尹氏以景泰元年正月丁丑誕王
于邸天姿岐嶷性稟英睿初封海陽大君天順元
年秋九月王世子卒世祖立王為世子
王內承聖訓外與賓友切磋儲德日就成化二
年春世祖幸學祠先聖王行亞獻禮退而齒
胄博士執經講道周旋揖遊皆中規度觀聽者莫
不相慶三年春世祖不豫命王叅決庶務聽
斷明允喜曰付托得人吾無憂矣翼年秋九月
世祖疾大漸命王嗣位遺命勿用石室洎後大
臣請用之手札答曰山陵諸事雖不得優於

前不欲減於舊吾之夙心第念遺教重不能違
未盡誠心多矣子而思孝臣而思忠彌天與地何
敢盡言更思遺囑不勝隕涕今卿等請用石室
是亦出於至誠然先王末命恍然在耳敢忘于
懷大妃天性慈仁但欲勿違遺教卿等所知
宜體此意冬十月全羅道觀察使辭王曰國家
多事要當鎮靜不可重煩其有訴寃者可勿拘文
法便宜區處時富商大賈代納貢賦之物收直於
民民甚苦之王命有司嚴禁賊臣南怡康純陰
結無賴作亂命發禁兵逮捕誅之事平策封翊戴
功臣三十九人十一月下教求言五年後二月

皇帝賜

世祖祭且錫

王命

王遣使奉表

謝是月丙子以雨雪不時

手教釋輕繫諭諸道

觀察使各舉茂才異能之士淹滯山林者又諭諸

道訪孝子烈婦以聞時白鳥集苑大臣按瑞牒請

賀王讓不受秋七月久旱

王減膳慮囚䟽放

親禱

永昌殿乃雨有大賈罪當流蜚緣保母乞

免王曰王者無私敢以保母翫邦憲遂杖流之

初世祖遘疾

王視膳嘗藥日夜左右睫不交

者累月比薨哀毀踰制勺飲不進遂乖節宣至冬

疾作日劇十一月戊申薨于景福宮正寢享年二

十王英毅明斷溫文仁儉性至孝自在春宮禮

勤三朝及即位奉事 慈聖愈謹敦睦九族禮遇
羣臣宮闈肅然承 世祖豐泰之運能戒盈思危
崇文而不弛武明罰而不僭賞務本節用輕徭薄
賦子養元元日不遑暇聽政之餘留意典墳觀前
古治亂之跡親撰歷代世紀又命文臣撰 國朝
武定寶鑑 手札每下惓惓皆願治之意數引羣
僚輪對講究得失政有不便者必釐革之申諭諸
道刺舉汙吏審理滯囚事大字小務盡誠信在位
甫踰年槩見於號令者焯然可紀方仰重光遽爾
不天嗚呼痛哉今 上殿下入嗣大統喪祭盡禮
帥羣臣上尊謚曰欽文聖武懿仁昭孝廟號睿宗

以庚寅二月甲寅厝于高陽縣治東蜂峴之原
世祖初為王以上黨君韓明澮之女為嬪生一
男嬪及男皆先卒嬪謚章順世祖疾大漸
命嗣位以昭訓清川君韓伯倫之女韓氏為王
妃即仁惠王大妃生二男二女一男一女先卒
餘皆幼

撰進之臣
姓名不傳

封王世子教命文

世祖三年丁丑十
二月十五日乙巳

予念宗社宜建國本肆命爾御諱為王世子

爾尚仁孝無負付托

撰進之臣
姓名不傳

冊文月日同上

予受丕基夙夜祗畏永惟天地宗社宜建國本

今冊爾御諱睿宗為王世子爾尚親賢遠佞尊師樂

學成爾元德以副輿望

撰進之臣姓名不傳

英宗皇帝封王世子勅世祖四年戊寅奏請使吏曹判書韓明

澮賁回

朕惟享有國土繼體為重今得王奏以世子宗德

諱早逝國人請立第二子御諱睿宗特允所請以睿

宗諱為朝鮮國王世子王尚訓以忠孝俾敦德秉

義毋慢毋驕庶副國人之望

憲宗皇帝降封典詔

月 曆

四日

元年己丑

閏二

日己未來宣

朕紹承寶歷統御華裔丕冒海隅出日靡不世世

受命以克受其邦土故朝鮮國王李

御

世祖

自膺

封爵忠篤不懈文焉修覲貢之禮武焉伸敵愾之

威朕用嘉之謂為東藩純臣降年不永倏茲淪沒

今特封王之世子

御 睿宗

襲王位以總國務惟

睿

宗 御

早象父賢嗣保疆域本國大小臣民其奉順

嗣王以畏天事大無或替于爾先王之時朕尚有

以永綏大庇爾國焉故茲詔示俾共欽承

封王勅

月 日 同上 誥 命 不 傳

得奏爾父王

御 世祖

以今年九月初八日薨逝朕

甚悼惜茲遣太監鄭同往爾國中諭祭遣太監崔
安沈繪賁詔示爾國人封爾御諱為朝鮮國王
繼爾父主國事爾宜敬以事上仁以撫下謙慎以
長守其貴儉約以長守其富確秉臣節永固藩邦
茲封爾妻韓氏為王妃頒賜爾及爾妃誥命冕服
冠服綵幣等件至可領之

謚冊文

年成宗元庚寅

維成化六年歲次庚寅二月初五日甲寅孤子嗣
王臣御諱謹再拜稽首上言竊以世德作求誕膺景
緒節惠為謚祗率舊章茲極推崇式攄誠孝恭惟
大行大王聰明冠古睿智自天丕顯丕承命益

隆於宥密允文允武運方撫於盈成宅諒陰而榮
榮恢遠猷而業業歲僅踰於一稔天柰嗇其萬年
憑几之音遽揚號弓之慟何極顧將冲昧叨襲
丕圖遺大授艱靡堪負荷之重茹哀銜恤莫罄追
慕之懷飭終有期因山既設載稽薦名之禮聊伸
讚德之忱謹奉玉冊上尊謚曰欽文聖武懿仁昭
孝大王廟號曰睿宗仰惟英靈俯紆昭格天長
地久庶媿徽顯之稱松茂竹苞更佑鴻厯之祚

謚冊文

上文出實錄

而此文句語頗相同

撰進之臣姓名不傳

應千齡而作之君丕釐景命節一惠而為之謚

率由舊章茲極追崇式摠誠孝恭惟 大行大
王英明超古濬哲自天監國撫軍基肇承於宥
密誅經閱史學已就於緝熙哀榮榮以宅諒陰
孝烝烝以奉 父母深惟付托之重勉恢聽斷
之規中敝百司肅清羣慙雖一暮權綱獨運稍
煩 淵衷而萬世法程大明適昭燕翼豈圖民
靡洽於蒙澤天不永於降年 憑几之命遽揚
棄弓之慟奚極顧惟冲昧叨纂基圖遺大授艱
荷重任而誰托茹哀銜恤仰昊穹而難陳今則
飭終有期因山既設謹稽薦名之禮庸伸讚德
之誠謹奉冊上尊謚曰欽文聖武懿仁昭孝大

王廟號曰睿宗仰惟 聖靈俯賜昭格天長地
久永膺徽顯之稱松茂竹苞幽贊厖鴻之祚

臣金宗直職名撰

哀冊文

庚寅

維成化五年歲次己丑十一月辛巳朔二十八日
戊申 睿宗欽文聖武懿仁昭孝大王薨于正寢
越明年二月初五日甲寅遷座于昌陵禮也攢宮
初啓祖筵乍撤素帟褰周玉漏警節徧天闕之昭
嶢指泉臺之渺漠酸風纒兮淒聲苦月斜兮淡色
嗣王攀蜃衛而延佇撫驚輅而淒惻慨時月之
有制痛幽明之永隔 降雍言於鸞殿揚 聖烈

於鳳冊其詞曰蕩蕩聖德曰惟 睿宗夙正宸極
允協萬重監撫是專謳謌攸屬三朝克虔萬務叅
決天縱之英時敏于學堯憲倦勤成初嗣服尋遭
在疚靡堪多難神謨獨運妖氛永斷乙夜思道鳩
毒戒宴手札求言虛襟納諫務農輕徭明賞慎罰
申嚴武備蔚興儒術丕顯文謨無競武烈治象之
隆適駿有聲庶幾永年誕撫隆平德未必壽夢不
與齡嗚呼哀哉 聖性因心大孝難名喪乎盡禮
祭焉至誠尚軫孝思慕切羹牆彌感霜露倏屆練
祥哀毀寔殷疾疢斯作梁闇未闋於三紀王几忽
憑於一夕嗚呼哀哉禋告臺觀望絕穆卜萬歲擬

呼於嵩嶽九天奄崩於杞國殷哭雷兮綿區灑淚
雨兮長樂嗚呼哀哉厭塵世兮仙遊邈霓旌兮
帝鄉委萬乘其若休朝百靈兮何方象設儼兮壽
原新龍馭稅兮厚夜長惟至德之在人兮亘萬
古如一日山可移兮海可枯聲何窮兮道何缺嗚
呼哀哉

憲宗皇帝賜祭文

成宗二年庚寅五月使臣
至十七日甲午行賜祭賜謚

禮

撰進之臣
姓名不傳

皇帝遣太監金興行人姜浩諭祭于朝鮮國王李
睿宗曰惟王克嗣先猷繼守東海方期安享壽

御

諱

祿綏爾國人格秉忠誠作朕藩輔胡不逾年遽茲
長逝計音遠至良切憫傷茲特謚曰襄悼遣官諭
祭靈其有知欽承嘉命

賜謚

月日同上賜謚
訖仍行焚黃禮

朝廷之待諸侯王生則爵以馭其貴沒則謚以表
其行而於內外遠邇其制一焉所以全始終之義
示溥博之恩也故朝鮮國王李睿宗儀容淵默
學問疏通布德行仁不替承先之旨應時修貢克
堅事大之心雖壽年之不遐而聞譽之已著茲特
謚曰襄悼嗚呼天不假年諒脩短之有數禮行節
惠期榮耀之無窮咨爾冥靈歆予異渥

文昭殿樂章

皇矣 睿宗濬哲文明功參化育澤洽羣生善繼
善述垂裕無疆嗚呼不顯之德之光

皇矣曲
初獻

維我 后膺景命撫東方穆穆皇皇宜君宜王丕
承令緒宣重光聖維天縱學自日新巍巍盛德無
與倫勵精圖治持盈守成文謨武烈底隆平登賢
用能明賞慎罰紹述啓佑咸罔缺於穆 清廟祀
事孔明億萬斯年駿有聲

維我曲
○亞獻
○終
獻靖東方曲見前

昌陵表石陰記

前面篆大字
朝鮮國
安順王后

撰進之臣
姓名不傳

睿宗襄悼欽文聖武懿仁昭孝大王 皇朝景泰

元年庚午正月朔日誕生初封海陽大君天順元年丁丑冊封王世子成化四年戊子九月七日受禪己丑十一月二十八日昇遐庚寅二月五日葬于高陽敬陵北岡艮坐之原在位一年壽二十
皇朝賜謚襄悼繼妃仁惠昭徽齊淑安順王后韓氏三月十二日誕生初封昭訓成化四年戊子冊封王妃弘治十一年戊午十二月二十四日昇遐己未二月十四日葬于大王陵左岡艮坐之原

徽仁昭德章順王后韓氏

恭陵誌文

章順嬪誌文 世祖八年壬午初稱
謚哀冊同

嬪韓氏上黨茂族也遠祖諱蘭在高麗初賜號三
韓功臣其後最著者曰渥仕高麗位政丞謚思肅
配享忠惠王廟庭曰脩判厚德府事謚文敬於
嬪為高祖曾祖諱尚質仕本朝官至資憲大夫三
司左僕射謚文烈祖諱起贈純忠積德秉義補祚
功臣大臣輔國崇祿大夫領議政府事領經筵事
上黨府院君行承議郎司憲監察父諱明澹今為
輸忠衛社協策靖難同德佐翼功臣輔國崇祿大
夫上黨府院君兼判兵曹事勲著鐘鼎母驪江閔

氏高麗大儒門下侍中謚文仁公諱漬五世孫嘉靖大夫漢城府尹奉朝請大生之女也內外門閥之盛甲於東方咸能世濟其美積有餘慶以正統十年乙丑正月十六日庚寅生 嬪嬪生而淑婉柔嘉維則遂膺妙選冊封為 王世子嬪天順四年夏四月甲子親迎禮成自是儆戒無違執婦道惟謹奉 兩宮盡誠孝克著肅雍之美翌年有身十一月丁酉忽違疾 兩宮軫慮親臨視疾醫藥祈禱無所不用其極遂彌留不痊越三十日丙寅誕元孫 兩宮喜甚宥境內賜百官資舉國懽忭十二月辛未疾革遂即世享年十七 兩宮震悼

國人無小大罔不悲惋嗚呼痛哉賜謚曰章順翌
年二月二十五日庚寅安厝于坡州普施洞原禮
也 嬪雅性閑靜配 儲位生元孫篤慶邦家夫
何一朝遽至於斯嗚呼賦之德而畱其壽天之不
可恃也甚矣可勝痛哉銘曰 猗歟勲閼趾美積
德迺生 淑媛迺配 貳極思媚 兩宮克修嬪
則不吊于天 仙馭何迫脩短有數天耶叵測元
孫克岐厥聲嗶嗶委祉于後萬世無疆

撰進之臣
姓名不傳

封 王世子嬪冊文

十一世祖六年庚辰四月
日丁巳○敕命不

傳

予惟嗣守丕基念繼序其皇夙夜不忘既建儲貳
俾承宗祧宜得賢配用資內助咨爾韓氏生于
茂族柔嘉貞淑可相主鬯今遣使孝寧大君補右
議政仍令致仕李仁孫等授爾冊寶為王世子嬪
爾其警戒相成罔愆壹則益隆我景祚於戲萬化
之始萬福之源繫爾一身可不敬歟

撰進之臣
姓名不傳

謚冊文

世祖八年壬午
二月十七日壬午

表行定謚君父之至情節惠易名古今之常典爰
舉顯冊用賁幽扁惟爾韓氏生從令門早入儲邸
每承顏以怡悅常率下而肅雍德配高明望孝少

陽之儷祥凝震索夢協大人之占慶宗社之攸
歸喜蘋藻之有托庶延龜筭益資鴻圖何不吊於
靈旻而遽危於殤夭蟾宮墜魄鶴闈纏悲痛瑤華
之云亡念徽音之如在情豈間於存沒禮宜備於
哀榮茲遣判漢城府事臣鄭軾贈爾謚章順嗚呼
生也有涯雖未窮百年之樂死而不朽庶幾綏萬
世之祺哀爾英靈體我寵命

撰進之臣
姓名不傳

哀冊文

壬午

維天順五年歲次辛巳十二月庚午

譜略作
辛未

王

世子嬪韓氏卒于私第遂就殯焉以翌年二月庚

多聖言卷十

十一

寅將厝于坡州普施洞之原自私至原二十三字

壬午二月某日葬禮也蜃衛宵嚴鶴關曉闢雲旌

舊本無旖旎以翻風薤曲淒咽舊本涼以訴舊本響月我

我字主上殿下哀少陽之喪舊本無偶痛元孫

之失慈緬懷冥遊增悲襄事自緬至事八字舊本

裏事而俾舊本稽令典式舊本揚貞儀其詞曰天

祚大東奕業奕業舊本重光任妙迭續迭續舊本

陰教用舊本彰我聖當宁前星重舊本景資舊本

有畜德少海舊本孰司內政上黨之韓粵維粵維一作日

元功載舊本生碩媛載婉載婉舊本青宮

地望既高既高舊本天姿克舊本懿夙夜倣戒罔

愆

風夜微戒罔愆舊本作齊明風夜克勤

相事思媚

中闡徽音乃

嗣神靈

錫羨慶膺弓韜俶誕文孫輿望攸屬鴻休

無疆景命有僕夫何祲沴連夕告徵慶聲未罷哀

問遽騰倏沙麓兮訖祥恍月範兮隱魄悲纏戚里

痛結

宸極嗚呼哀哉

龍樓問寢鳴盈

鳴盈舊本作鷄

鳥

誰告鳳雛在苞馬知胎教披容衣兮如在委仙

舊本作環

佩兮若休謝青春而莫返

舊本有兮字

侶金母而

遐遊

香奩閣

舊本作掩

兮玉臺塵露華溥兮月色

舊本月色

作深

愁嗚呼哀哉乃卜靈龜乃簡佳

舊本作元

辰彛章

備舉羣儀具

羣儀具舊本作方物畢

陳辭祖帳之寂寞

辭祖帳之

寂寞舊本作醴於祖帳

醉

兮背鸞殿之杳忽龍驂動

舊本作駕

兮

跼步川原繚兮逶迤嗚呼哀哉鬱鬱佳城鈴平之

疆青烏告吉告吉舊本黃媪黃媪舊本儲祥玄宮

既悶玄宮既悶舊本乃妥乃康百靈朝兮肅肅長

夜深兮漫漫長夜深兮漫漫舊本悵宮官之雨泣

舊本有藹羽翹之空還嗚呼哀哉彭殤不齊萬古

一致有德無壽孰主張是惟倪天之懿範倪天之懿範舊本

本作纘女與夢日之遐福托彤管以不朽舊本有

永傳芳傳芳舊本於竹帛嗚呼哀哉

臣金宗直職名撰

追上尊號冊文成宗三年壬辰正月十一日戊申遣青松府院君沈澮

進冊領敦寧府事尹士昕進寶即附廟前一日

為之後為之子當盡孝敬之心有是實有是名盡
舉尊崇之典冀紆冲鑑俯膺殊稱恭惟 性叶坤
柔德懋天倪早配 貳極追懿範於虞嬪思媚
兩宮邁徽音於周妣奈象服之未整而 鸞馭之
遽昇臣猥將孱資叨承令緒仰隆化之垂裕第哀
慕之彌深載稽彛規式揚鴻號謹上尊號曰徽仁
昭德章順王后庶諒丹悃永錫玄扶

恭陵表石陰記

前篆大字朝鮮國
章順王后恭陵

撰進之臣
姓名不傳

徽仁昭德章順王后韓氏 睿宗大王元妃正統
十年乙丑正月十六日誕生天順四年庚辰冊封

世子嬪辛巳十二月五日昇遐壬午二月二十
五日葬于坡州南普施洞戊坐之原壽十七
睿宗即位尊為王后

仁惠昭徽齊淑安順王后韓氏

封 王妃冊文

此文載於舊本而按實錄此文載於禮曹判書朴

元亨所啓 中宮冊封定於三年後舉行

無冊 中宮之事此文未知作於何時豈

初議中改冊禮進行於己丑冬前而實錄

遺載不見耶當時事實有未敢詳者姑著

于注以俟考證○ 皇朝誥命己丑 大

王封典時同 來而文不傳

坤承乾於下以成覆載之功后正位于內以基風

化之源其道一也咨爾韓氏名門淑媛宜家令德

予在春宮妙選來嬪儆戒相成維德之行實我三

韓承歡 兩宮載誕元良以篤我邦家之慶逮予

嗣位雖已封妃未遑授冊之禮非所以視母儀於

一國也今遣云云授寶冊寶王以尊名位於戲惟克敬可以承宗廟之重惟積德可以致本支之隆思嗣徽音益勤陰教暨予一人共享無疆之福

臣

李承召

職名撰

王大妃上尊號冊文

八日辛卯二年辛卯正月十日

記二年丙辰二月議定不傳五年已未正月

初十日庚午上二日壬午因議政尹弼商

等議勿稱新號仍稱仁惠明懿四字謚冊

之不安順王后之寶六字謚寶考其年月即

刻安順王后之寶六字謚寶考其年月即

是已未正月庚午兩上者則其時冊文又

未

知兄逸於何時今姑著注以

備參考○誌文哀冊亦不傳

恭以為之後為之子當盡愛敬之心有其德有其

名蓋舉尊崇之典載揚懿範恭獻徽稱恭惟王
妃殿下性稟溫柔躬行慈儉率修內政道已隆於
母儀用資先王功實侔於坤載上以奉承於
長樂下以顧復於眇躬聊伸歸美之辭式表欲報
之懇臣諱御不勝大願謹奉冊寶上尊號曰仁惠王
大妃伏惟俯循輿望誕受鴻儀益膺萬福之臻永
享一國之養

樂章

月日
同上

於皇聖母天生淑德勤儉柔嘉端一維則正位
長樂式隆母儀於千萬年福履綏之

撰進之臣
姓名不傳

撰進之臣
姓名不傳

列聖誌通紀卷之十

列聖誌狀通紀卷之十一

成宗康靖仁文憲武欽聖恭孝大王

王大妃

王后 貞顯

諺教

燕山主元年乙卯正月初二日丙戌書下于行狀修

撰廳以文譯之

大行王孝奉

貞熹

仁粹

仁惠

三殿

無所不

至難可枚舉日三問安書

大妃殿

日用

經費貼

諸左右常常繼進

貞熹

王后教

曰國家

經費之

物每進於予心實未安

上對曰

以一國

奉之何

難然猶慮忤志時以內帑所藏進焉

且於常膳

親

調別味其所嗜則必寫貼於壁以進

常念大妃

居常索寞屢進別宴又數請曲宴如蒙領可

上

喜悅 貞熹王后晚年多違豫 上親考方文進
藥又於問安立移時 后若未安於心則從侍女
問候而退又訪問五部得如 王后疾證者試藥
王后每見 上則病輒少間豈非誠孝所感乎
孝奉 兩大妃終始如一不廢視膳宰相有老親
者每賜食物

行狀

乙卯遣使賫狀如
大明告訃請謚

國王姓李諱

懷簡王第二子

母妃韓氏議

政府左議政確之女也以天順丁丑七月辛卯生

王 懷簡王為世子早薨 王 祖父惠莊王

育 王于宮中 王天資穎異器度雄偉 惠莊

王特奇愛之封為者山君 王嘗與母兄月山君
娉在王宮適雷雨暴作有寺人在傍震死左右皆
顛仆視魄 王略不動色 惠莊王尤異之成化
五年十一月 王叔父襄悼王病革嗣子年幼
且病擇所宜後以 王德器夙成孝悌好學令權
署國務及 襄悼王薨 王遣陪臣宋文琳告訃
權城請承襲六年五月 先皇帝賜詔曰朕嗣守
丕圖撫御寰宇遐方絕域咸立君長俾治其民易
世錫封厥有彝典故朝鮮國王李御諱承先事
大忠孝有聞受封未及踰年告訃遽云即世顧茲
緒業宜屬親賢今特遣太監金興齋勅封王之姪

成宗御諱

為朝鮮國王繼統國政惟○

成宗御諱舊本作爾

實

惠莊王之孫本國大小臣民其一心奉順用輯和

東土藩屏中朝無替爾先王之業斯稱朕眷待爾

國之意又賜制曰朕祗紹鴻圖懋隆屏翰肆懷

遠以為近庶一視以同仁眷此東藩世稱秉禮允

惟承序宜屬仁賢朝鮮國王姪成宗御諱聰明天賦

問學

問學舊本作學問

夙成國論攸歸宗祧當繼今特封

為朝鮮國王總統國事於戲惟誠敬可以修身惟

禮義可以為國惟忠可以事大惟孝可以亢宗尚

慎始終毋忘訓飭又賜勅曰得奏爾叔王

成宗御諱

諱

於成化五年十一月二十八日薨逝茲特遣太

監金興行人姜浩齋文諭祭并齋詔示爾國人封

爾

成宗御諱

為朝鮮國王繼主國事并封爾妻韓氏

為王妃爾宜敬守先業保國安民篤忠誠以事朝廷敦信義以睦鄰境躬節儉以舒財用俾東土民物康阜永為中國藩輔之重朕惟爾嘉特頒賜爾及妃誥命冕服綵幣等件至可領也 王遣陪臣

奉表稱謝

王令大小臣僚各陳時宜宗親文武

六品以上各舉賢能命該曹孝子節婦其行卓異者旌門復戶以獎之設弘文館於殿側選文學材行之士十七員更日直宿侍講經史規諷道義七年三月 王至成均館謁先聖祀以大牢坐明倫

堂令文士問難經義十一月 下教曰予以幼冲

纘承

先業凡朝政

舊本作廷

得失民生利害盡心釐

整然事機至繁罔知攸措今當沍寒陰閉之時愆

陽為灾天意豈無所在歟反身省己實由寡昧累

求直言未有盡言極諫者累求賢俊未有明揚側

陋者董治百司猶有懈弛審理獄讞猶有寃滯勤

恤民隱而無告尚多務省功役而興作不息其令

政府廣曉中外詳究以啓八年三月 皇太子計

音至禮官請以明日舉哀 王曰哀切於中奚待

明日即率百官舉哀奉表陳慰五月 下教曰生

財在於務本裕財在於節用如欲節用必先儉約

蓋奢侈則用必廣用廣則財必竭念我東方地力
踈薄勤儉節用猶患財用之不裕况棄本逐末生
之者既寡爭相華侈用之者不節哉予為是慮嚴
逐末之禁定役民之法罷不急之務除無益之費
庶不擾爾人民爾人民盡力農桑勿為惰慢崇尚
節儉勿為奢靡舊本作侈量財節用勿為橫費家之與
國大小雖殊其體則一苟能存心省約於裕國乎
何有爾人民各體予意以遂生業王嘗觀尚書
至惟木從繩則正后從諫則聖謂侍臣曰為君之
道孰有加於此乎非獨人君為臣者能受盡言而
後能諫其君爾等亦宜知之嘗讀史至隋煬帝聞

盜發使人逐捕九人內四人非賊有司以帝已令
斬決遂不執奏並殺之 王曰煬帝固為無道然
當時之臣知而不言豈得無罪予以煬帝為戒爾
等亦以不執奏者為戒君臣交修不亦可乎又讀
至魏徵言於太宗曰貞觀之初陛下節儉求諫不
倦比來營繕微多諫者頗有忤旨 王曰古稱鮮
克有終太宗之初可謂盛矣至於末年漸不如初
以太宗之賢猶若此況不及太宗者乎近來頗興
營造雖皆出於不得已中外以謂何如予即政以
來未嘗罪一言事之臣爾等勿以忤旨為虞事有
不便當盡言之鷹坊嘗畜一海東青侍臣以為言

王即命放之終不復畜十年九月王遣陪臣

金礦奏曰臣以愚庸特蒙聖恩得守先業有年

顧惟所生父臣

德宗御諱

先祖惠莊王臣

世祖御諱

嫡

子受命為世子不幸早逝今臣既受王爵妻亦為

妃而所生父稱世子母無名號一國臣民稱說不

順於人子之心誠有未安然臣既為先臣襄悼王

御

肅宗御諱

之後義不可顧私親且懼

天威嘯嚅至

今竊念天性之親恩義亦重顯揚之懷不能自己

敢昧死塵瀆伏望聖慈賜爵賜謚俾伸微誠以

廣孝理不勝至願先皇帝賜勅曰得奏王所生

父

御

德宗御諱

先封世子早逝及所生母韓氏見在俱

未有名號雖為人後者義不可顧私親然顯揚之
懷不能自己等因具悉王之孝忱茲特追封故世
子德宗御諱為朝鮮國王謚懷簡封韓氏為懷簡王
妃以遂王顯親之志及頒給誥命并妃冠服至可
領也王蒙恩感激宥境內賜羣臣爵一級奉表
陳謝十一年正月王親祭先農遂躬耕籍田又
令王妃親蠶皆如其儀八月下教曰司獄官
吏所失非一苛暴深刻者常失於羅織昏迷庸懶
者常失於淹滯好羅織則深文峻法嚴加拷訊援
引傳會一切增飾無辜之人橫罹斧鑕好淹滯則
依違不決動隔炎涼桎梏加體飢寒切身悲號疾

病遂死狴獄豈不冤哉嘗聞一人向隅滿堂不樂
匹夫匹婦死非其辜各將誰執大抵獄辭初若繆
轉緣情推究迎刃自解但司臬者不加之意而已
毋或爾羅織毋或爾淹滯本之以仁恕行之以明
允使死者服辜生者無冤豈不美哉十二年春

先皇帝冊 皇上為皇太子賜勅曰王素秉禮義
忠敬朝廷茲朕建立皇儲嘉惠多方矧惟王國尤
所當厚特遣正使戶部郎中祈順副使行人司左
司副張瑾齎詔諭王並賜王及妃綵幣紋錦至可
收領用副朕眷待之意兩使見 王相謂曰真賢
王也臨別正使作詩贈 王其序云順使朝鮮累

與王相接心甚嘉之蓋其妙齡秀穎崇儒好學
威德旁敷一邦輯睦誠他邦所罕儷也王採前
世明君暗主所行善惡事跡命工圖畫為屏命詞
臣作詩書于其上坐卧觀省以為勸戒焉十三年
八月王詣成均館酌獻先聖行射禮仍下教
諸道觀察使令所在官守令行飲射禮歲以為常
前此國王生日勲舊之臣就僧寺祝釐王曰
詩不云乎求福不回豈可佞佛而求福哉其罷之
十四年四月王詣成均館親祀先聖坐明倫堂
養老乞言王謂羣老曰書云內作色荒外作禽
荒甘酒嗜音峻宇雕牆有一於此未或不亡此實

人君之藥石予嘗書此貼於座右常常觀省今又聞諸老所陳皆修身治國切要之言予當服膺勿失十五年冬先皇帝遣使賜勅曰建州女真逆天背恩累寇邊陲已令監督總兵等官選領精兵刻期征勦惟爾國王紹胙東藩輸忠於我國家有隆無替朕甚嘉悅我兵壓境賊有奔竄國境諒必擒而俘獻之王如申遣偏師遙相應援大奮貔貅之威同殲犬羊之孽逆虜既除則王敵愾功勤愈茂而聲名豈不有以享於無窮哉王即遣陪臣魚有沼等領兵入攻有沼以江水冰合旋解難於渡師罷兵回還王治有沼不及軍期之罪更遣

陪臣尹弼商金嶠領兵四千直擣賊穴俘斬醜類
焚湯屯落并得被虜遼東人口而還王遣陪臣
魚世謙獻俘先皇帝賜勅曰往年建賊背逆朕
嘗出師致討而爾國先王御諱世祖發兵來助用能
克捷矣茲者賊猶稔惡不悛朕從廷議仍出師討
之王發兵來助雖前兵因江水凍解難濟不獲與
我師合勢同成厥功而後兵亦抵巢攻勦擒斬其
部屬焚燬其廬舍蓄峙得其所掠我邊衛人口又
遣陪臣押赴來獻王之忠誠於先世可謂能繼於
朕命可謂無負矣令聞寧有窮已耶今遣內官鄭
同姜玉至王國賜王綵段白金紋錦西洋布其領

兵官左議政尹弼商節度使金嶠亦各如例有賜以旌勞勩王其欽承之 王奉表陳謝十七年八月永安道守臣獲白鹿以聞 王曰此非予所喜其放之十月 下教曰苑囿之設非以病民也常於農隙親講武事舉蒐獮之禮耳今有司禁民樵採禽獸益繁有乖為民除害之義古不云乎芻蕘者往焉雉兔者往焉自今苑囿所在悉令弛禁與民共之十八年六月 下教曰古昔賢君莫不選賢與能共康庶績我國家設科取士又立薦舉之法欲其才德之士咸使登庸求賢之路不為不廣然滄海遺珠自古所歎草澤巖穴之間豈無懷才

抱奇沉鬱而不能自售者乎凡厥在位搜訪遺逸
咸以名聞十一月王引儒臣入內殿講中庸大
學因尚論先儒同異之說歷代治亂之迹時有規
諷王聽之亶亶至於夜分諸臣請退王曰古
人有云接賢士大夫之時多則氣質變化自然而
成予今日得聞所未聞之言裨益弘多殊不為倦
勿退十九年二月王請立嫡子愷為世子先
皇帝賜勅曰朕惟有爵土者莫不為長世之圖立
嫡長者得以係羣情之望古今然也得奏舉國臣
民旅庭請命欲立王子愷為世子王不敢顓貢使
以聞朕覽之特加俞允乃命太監鄭同為正使金

興為副使齎勅并紵絲紗羅等件封幃為朝鮮國
王世子其合用冠服王國自制夫朝廷之命王其
承之藩邦之器世子其主之知天地之分不可踰
時率以事上之誠知繼體之道不可忽罔替夫秉
禮之訓若是則本愈固譽愈隆王國享福詎有窮
耶欽哉 王奉表陳謝 王選名儒為世子師友
授以經史交相切磋又令謁先聖入學于成均館
凡所以教養之者無所不至三月 王 祖母惠
莊王妃尹氏薨 王哀毀成疾大臣請進酒 王
曰忘哀飲酒予所不忍也固請不聽二十年四月
下教曰親民之官莫重守令守令之匪人生民

之大患也在官一月則貽一月之害在官一年則貽一年之害而况三暮六暮之久乎仲尼有言苛政猛於虎盖苛政行於下則人主雖有仁民愛物之心何能澤及於民乎予以涼德叨承前緒臨莅臣民十有五年間者水旱相仍民罹飢饉是雖寡躬無德之致亦恐親民之官以侵耗為事以刻察為明貨賄公行刑罰縱濫不修厥職徒務自肥方面之臣雖任刺舉眩於薰蕕失於殿最往往慈祥豈弟者抱屈貪暴姦回者得志傷和召災未必不由乎是予欲別議陞黜以示勸懲咨爾政府各以所知旌別以聞議政府舉循良有治效者貪懶不

宜臨民者以啓即命陞黜焉五月 王命摹集趙
孟頫字刻張蘊古大寶箴揭于便殿以自警親寫
王禹偁待漏院記以賜承政院謂承旨等曰禹偁
之記雖為執政而作然在位百執事皆可以代座
右之銘况爾院為樞機之地乎十二月 下教曰
學校風化之大源賢才國家之利器而成均儒生
餽廩不豐非予崇重之意也給田肆百頃以贍其
用州府郡縣之學亦給有差 王嘗因旱命減諸
道供進之物慶尚道守臣啓曰如海錯之類得之
甚易請依舊以進 王曰臣子奉上之意雖勤人
君恤下之情亦切其勿進二十三年秋 王聞

先皇帝昇遐率百官舉哀即遣陪臣卞宗仁陳慰
李封進香盧思慎賀 皇上登極弘治元年春

皇帝賜勅曰朕嗣守

祖宗鴻業統御萬方聲教

所暨宜覃恩澤矧伊王國世篤忠誠錫賚之典尤
所當厚特遣正使右春坊右庶子兼翰林院侍講
董越副使工科右給事中王敞齋詔勅諭王并賜
王及妃幣帛紋錦至可收領尚其體朕眷懷秉禮
服義益隆藩輔共享太平之福正使見 王歎曰
老生舊聞 賢王學問高明通達禮義今幸目覩
果愜素聞十一月臺官舊本作諫採古伊尹召公勸戒
其君之辭繕寫以進以寓規警之意 王嘉悅曰

今觀爾等所進之辭蓋欲納君於無過之地也爾等愛君之誠寧可忘耶賜以宮醢至夜撤宮燭送之二年正月有舉子於鄉試對策言祀佛穰禍者試官斥之王聞之手札下教曰儒生對策之辭予甚憤焉佛之為害誰不知之况學孔孟者耶孔子曰攻乎異端斯害也已孟子曰能言距楊墨者聖人之徒也程子曰佛氏之害甚於楊墨當如淫聲美色以遠之後之學者可不力察而明辨之乎予嘗恨緇徒蔑棄天常耗蠹民財將欲絕其根株扶植世教而今者儒生當國家舉賢之日不陳堯舜之道鼓唱浮屠之法是欲使予如梁武之捨身

唐宗之膜拜而後已乎號為儒者猶尚如此况無
識士女乎宜令有司推鞠屏諸遐裔明示好惡又
命該曹勿復度僧王以鄉學書籍少命印四
書五經及諸史頒于諸道三年閏九月王謁
莊憲王墓所過州縣遣官致祭于先聖廟給學生
米有差又以駐駕之地供頓勞費減是年田租之
半冬有星變日官請行醮祭王曰變災為祥在
於修德不在於祈禳也四年五月下教曰至親
之人一體而分叔姪有父子之義兄弟為天倫之
重宜敦雍睦之行以成敦厚之風昔王商為侯推
財與弟薛苞分財以惡物自與今世之人習俗澆

薄或有交爭自相詆怨殘傷骨肉莫此為甚今後
兄弟叔姪起為爭端詐僞著現者並令徙邊以厚
風俗又下教曰比年以來昇平日久中外無事
競尚華靡飲食服玩車馬第舍皆極侈麗予甚非
之惟爾臣僚務要儉約以革弊風十一月戶曹啓
今者年穀稍稔而收稅太輕王曰百姓足君誰
與不足寬民一分不亦可乎平安道有邊警兵曹
請本道軍卒並令戍邊王曰分番防戍古有其
法誰無父母誰無妻子靡室靡家予甚憐憫其令
分番往戍五年正月成均館典庫吏耗米若干有
司欲令追償王曰國雖小豈乏養賢之資其勿

追償特給米布八月 王至成均館祀先聖大饗
師生及百僚謂曰飲酒固不可及亂然今日之事
實崇儒重道之意其各醉飽因命有司重修學宮
六年六月 王有疾醫云鯽魚可治 王謂近侍
曰今方雨潦採捕之人恐罹沒溺之患豈可以口
腹累人乎十二月該曹請設元日禮宴 王曰人
君當與民同其憂樂今當歲歉民飢而獨樂可乎
其停之 王以前代諸王及名賢之墓或有頽毀
者命所在修葺禁樵牧七年十二月 王寢疾彌
留猶聽斷不輟及疾篤具冠服引見大臣屬以後
事翌日己卯薨于正寢雖童稚婦女莫不奔走悲

號享年三十八在位二十六年 王聰明英武寬
仁恭儉自少篤意經史及嗣位令講官日三進讀
夜又召對終始不倦尤邃於性理之學至於百家
星曆鍾律靡不洞曉射藝草隸亦臻其妙畏天事
大出於至誠凡于貢獻必親自監視漢人被搶自
虜中逃來者厚資衣糧解送遼東前後共五百五
十五人 王天性孝友 惠莊王妃 懷簡王妃
襄悼王妃同處一宮事之如一日三問安甘旨
必親調藥餌必先嘗未嘗少懈 惠莊王妃晚年
患疾每見 王病輒少間人稱孝誠所感凡祀事
盡其誠敬非有故必親行之待月山君嬀恩禮備

至及卒悲悼輟膳以至成疾宗室諸親亦時召見于內置酒行家人禮怡怡如也家法甚嚴宮壺肅然諸子雖幼教以義方皆有成人之德接大臣以禮每進見未嘗有惰容雖小官亦皆禮遇之有罪多寬假終世無遭刑戮者至宦寺不少貸國有大事必與大臣詳議處置令朝臣輪對問以朝廷得失用人之際人有斥其短者取其所長不必求備每歲春秋親宴老人亦令守令各於所在饗之處女之貧乏未嫁者官給資裝無使失時守宰拜辭必引見戒諭數遣使臣問民疾苦月再閱武歲講蒐獮以嚴武備聽斷之暇引文士考問經史兼試

文藝羽林之士亦令受學或於後苑較射以勸勵
成就之凡所施為皆有矩度不惑異端不近聲色
戒遊畋崇節儉却祥瑞禁淫祀褒賞直諫之士錄
用忠臣之後重敗常之典嚴賊吏之法刑罰不濫
囹圄屢空深仁厚澤洽于一國噫天不假年遽至
於斯痛哉

宣陵誌文

乙卯○癸巳改封
之有附記當一如

陵時誌文哀冊
靖陵側而並不

撰進之臣
姓名不傳

傳事見靖陵
改封哀冊註

恭惟我

大王諱

德宗第二子

仁粹王大

妃韓氏以天順元年丁丑七月辛卯誕

王德

宗為世子早薨

世祖育

王于宮中封為者山

君 王天資明睿

世祖竒愛之嘗與母兄月山

大君娉在宮中忽雷雨暴作震寺人於座左右皆

顛仆

王獨自若

世祖尤異之嘗曰此兒器度

類我

太祖成化五年己丑

睿宗薨嗣子幼駿

貞熹王后定議以

王為嗣庚寅

帝遣使賜

誥命

王命臣僚陳便宜舉賢能旌孝子節婦其

孝行尤異者錄用令經筵官日三進講夜亦召對

以為常辛卯視學謁先聖令文士問難經義策諸

臣有佐理勲者賜功臣號臺諫言事稱職各賜爵

一級壬辰

下教諭民節儉採歷代帝王及后妃

善惡可法可戒者釐為三篇名曰帝王明鑒后妃
明鑒又圖畫明君暗主事迹于屏坐卧觀省鷹坊
有海東青命放之終不復畜甲午遣使請追封
德宗為王 帝允之賜謚曰懷簡并賜 仁粹王
大妃誥命 王大赦賜羣臣爵一級乙未祭先農
耕籍田 王妃親蠶建尊經閣于成均館賜經籍
藏之丁酉謁先聖行大射禮罷誕日祝壽齋戊戌
祀先聖養老乞言命裒集古今東人詩文名曰東
文選撰地理誌名曰東國輿地勝覽又撰三國史
節要己亥 帝發兵討建州野人勅出師助征
王發兵擊破之獻俘 帝賜勅褒賞辛丑弛苑囿

樵獵之禁癸卯冊今上為世子三月 貞熹王后
薨服三年喪甲辰輓別中外官吏淑慝陟黜之賜
成均館學生田四百結鄉學亦賜田有差乙巳命
今後再嫁女之子孫勿齒朝班 世祖朝嘗撰東
國通鑑未就命續成之丁未錄用高麗忠臣鄭夢
周吉再後弘治戊申 仁粹王大妃有疾 王嘗
侍藥疾瘳大赦賜羣臣爵一級己酉鄉園策士有
言祀佛穰災者 王手教竄逐之庚戌幸驪州謁
英陵賜州民是年半租所過州縣遣官祭先聖
廟賜學生米有差辛亥命自今兄弟叔姪堂兄弟
爭訟理曲者徙邊野人寇永安道殺鎮將遣兵討

破之壬子罷度僧法祀先聖大饗師生及百僚令
製樂章以侑之前代君王及名賢陵墓頽毀者命
修葺禁樵牧甲寅秋王不豫裁決庶務不少懈
十二月戊寅大漸具冠服召見大臣翌日己卯薨
于正寢享年三十八在位二十六年聞喪之日雖
深山窮谷之民莫不奔走號慟王聰明英武寬
仁恭儉通貫經史尤深於性理之學星曆鍾律靡
不講究射藝書畫亦臻其妙孝友出於天性祭祀
非有事故必躬必謹奉養三大妃克盡誠敬待
母兄恩禮備至諸子教以義方宗族極其雍睦尊
敬大臣禮遇臺諫從容咨訪虛懷納採寵待講官

加以異數每於經筵孜孜聽受猶以為未廣擇二品以上可顧問者輪日叅侍號為特進官至於郎吏悉知才行用各盡能總攬權綱愛重名爵如知其賢不次擢用苟犯名義雖才必黜寬以御下罪疑多貸唯閤寺雖小過必懲養耆老恤孤獨明賞罰慎刑獄斥異端扶正道絕遊畋戒逸欲錄用忠孝褒獎節義增修文廟優贍學廩訓練將士擇任邊帥閱武講蒐必以其時遇灾請行祈禳則曰消變在於修德歲稔請加賦稅則曰百姓足君誰與不足却進膳曰奉上之禮雖勤恤下之情亦切停禮宴曰歲歉民飢而獨樂可乎大哉 王言真天

地父母之心乎昊天不吊遽至厭世慟哉主上殿

下亮陰在疚哀慕罔極率羣臣上尊謚曰仁文憲

舊本作獻武欽聖恭孝大王廟號曰成宗以乙卯四月

初六日己未安厝于廣州治西學堂里之原號曰

宣陵噫三代以下終始全德之君寡矣我成宗

粹乎無以議為初在潛邸聘領議政韓明澮之

女即位封為妃無子薨謚曰恭惠陞淑儀尹氏為

妃即判奉常寺事起畎之女寔誕今上殿下又陞

淑儀尹氏為妃即領敦寧府事壕之女生一男

曰中宗御諱封晉城大君淑儀嚴氏生一女曰恭慎

翁主下嫁清寧尉韓景琛淑儀權氏生一男幼淑

容鄭氏生二男一女曰忻安陽君娶知事具壽永
女曰悵鳳安君娶贈左贊成趙紀女女幼淑容洪
氏生七男三女曰惠淑翁主下嫁高原尉申沅曰
悵完原君娶贈左贊成崔河臨女曰恬檜山君娶
奉事安邦彥女曰惇甄城君娶叅奉申友灝女餘
幼淑媛河氏生一男曰恂桂城君娶判官元蓄女
淑媛金氏生三男三女曰徽淑翁主下嫁豐原尉
任崇載曰敬淑翁主未嫁餘幼淑媛權氏生一男
一女皆幼淑媛沈氏生二男二女曰慶順翁主下
嫁宜城尉南致元餘幼今上殿下聘右議政慎承
善之女今為妃生二女皆幼

即位時

王大妃

王后 貞熹

教臣僚書

元年 肅宗

撰進之臣
姓名不詳

丑十一月二十八日戊申

慈聖王大妃若曰嗚呼皇天不吊降割我家世

祖大王享壽不永嗣王哀毀成疾遽至不興禍患

相仍痛悼可言予念大位不可暫曠嗣王一作君之

子方在襁褓且素嬰疾世祖嫡孫只有懿敬世

子之子二人一本二人二月山君嬙自幼多病其

母弟者山君御諱成宗岐嶷夙成世祖每稱資質

器度特異於常至比我太祖今年漸長成學問

日就可付大事乃與大臣議之大臣同一作合辭以

為允符與望爰命

御諱 成宗

嗣位感念存沒無以為

懷惟爾大小臣僚悉體予意畢力夾輔

一本無畢力夾輔四

字

嗚呼痛哉

一本有播告中外使聞知八字

弘文館應教

臣

權柱

撰

憲宗皇帝降封典詔

成宗元年庚寅五月朔日戊寅來宣

朕嗣守丕圖撫御寰宇遐邦異域咸立君長俾治

其民易世錫封厥有彛典故朝鮮國王李

御諱 睿宗

承先事大忠孝有聞受封未及踰年計告遽云即

世顧茲緒業宜屬親賢今特遣太監金興賁勅封

王之姪

御諱 成宗

為朝鮮國王繼總國政惟

御諱 成宗

實惠莊王之孫本國大小臣民其一心奉順用輯

和東土藩屏中國無替爾先王之業斯稱朕眷待爾國之意

封王勅

月同上

得奏爾叔王

御諱睿宗

於成化五年十一月二十八

日薨逝茲特遣太監金興行人姜浩賫文諭祭并

賫詔示爾國人封爾

御諱成宗

為朝鮮國王繼主國

事并封爾妻韓氏為王妃爾宜敬守先業保國安

民篤忠誠以事朝廷惇信義以睦隣境躬節儉以

舒財用俾東土民物康阜永為中國藩輔之重朕

惟爾嘉特頒賜爾及妃誥命冕服綵幣等件至可

領也

封王誥

月同上

朕祗紹鴻圖懋隆屏翰肆懷遠以為近庶一視以
同仁眷此東藩世稱秉禮允惟承序宜屬仁賢朝
鮮國王姪李御成宗諱聰明天賦問學夙成國論攸
歸宗祧當繼今特封為朝鮮國王總統國事於乎
惟誠敬可以修身惟禮義可以為國惟忠可以事
大惟孝可以亢宗尚慎始終毋忘訓飭

謚冊文

燕山主元年乙卯三月二十六日己酉

竊以德必得位誕受丕基謚以尊名宜崇徽號斯
乃古今之公議實非臣子之私言恭惟 皇考大
王濬哲溫恭剛健中正惟精惟一學有緝熙光明

克寬克仁澤及鰥寡孤獨奉先思孝事大以誠恤
刑著好生之心躬耕為劭農之本藹然文教之旁
達赫矣武功之遠揚明良勅天之謨方臻舜治壽
富多男之祝擬享堯年何植璧之無徵還憑几而
不悟奈抱終天之慟靡堪擗地之哀祇奉節惠之
儀庶伸歸美之懇謹奉玉冊上尊謚曰仁文憲舊本
言以獻字而按諸略從位版稟武欽聖恭孝大
旨釐改書以憲字故今從諸略王廟號曰成宗仰惟冲鑑俯諒微悰永孚于休膺
顯冊於不朽克昌厥後衍寶曆於無疆

哀冊文

乙卯

撰進之臣
姓名不傳

維弘治七年歲次甲寅十二月丙辰朔二十四日

己卯

成宗仁文憲

舊本作獻

武欽聖恭孝大王薨于

正寢越明年四月初六日己未遷座于宣陵禮也

素帟將移丹旒已賜于時王衡南指於天漢金波

西掛於屋梁九閣洞開萬仗森列三竿告斟八神

扶蹕孝子嗣王

龍樓之間寢既輟鼎湖之攀髯

莫追擗踊難容祖載增悲仰大猷之在世命詞臣

以撰辭其詞曰天眷東土篤生我王聖惟天縱

德惟日章初從代邸入纘唐勛淵乎其仁煥乎其

文日御經筵

一本作帷

討論典墳晝而三接夜或至分

幽闡至理洞闢異教餘事才藝窮神盡妙敬極

五廟孝奉 三宮恩深棣萼慶衍蘭叢事大惟誠
禮下惟恭務儉去奢親賢遠佞批鱗勿憚讜言樂
聽過固無罪善則必賞在虞恤刑在周善養意絕
遊畋戒存聲色節義是獎祥瑞斯却仁垂寬詔德
著好生澤宮大射籍田躬耕 累朝曠典一朝增
光禮鎔樂冶文修武揚卉服怛威窮髮懷德化及
飛潛恩霑動植國安祚乎磐石民奠枕於壽域謂
大德之必壽何昊天之不吊百姓哀其喪考三光
昏兮失耀嗚呼哀哉金縢未徵玉几乍憑綴衣纔
設祀天已崩百僚攀號六宮摧咽抱劒舄以何歸
瞻帷衣兮如昨嗚呼哀哉帝齡不與仙遊斯迫哀

孺慕其崩絕顧靈心兮徒脫殿紫極之宸居乘白
雲於帝鄉悵龍顏之莫覩儼象衛之空張嗚呼
哀哉逝日兮川流啓夕兮宵興庭燎晷於舊闥
宮車導乎新陵踏厚地而無應仰高天而何訴涕
橫流而不止心徒切於永慕唯至德之未泯諒沒
世而難忘庶鳳冊之可頌播鴻芬於無疆嗚呼哀
哉

孝宗皇帝賜祭文

燕山主元年乙卯六月九日庚申使臣太監金輔李珍

撰進之臣姓名不傳

等行賜祭賜謚禮○謚詰不傳

惟王嗣守東邦為國藩翰恪恭奉職二十六年終

始不渝朕所嘉尚忽聞哀訃悼念良深茲特謚曰
康靖遣官諭祭用申恤典以示追榮惟靈有知尚
其歆服

定世室告

廟祝文

仁祖十三年乙亥
三月初六日丙辰

洪惟聖德誕撫中葉昔在光陵大勲纔集我
后受之綏厥震業仁涵義摩政公刑清內輯外
靖禮備樂成大振斯文允升太平春臺四方正軌
羣生遺弓墮履山谷亦悲惠澤休烈稚耄咸思
宗社永賴勢樹基隆七廟之觀惟德惟功尊宗
定禮始議攸同小子叨緒敦念繼述屬當初祔定
為世室百世不祧永奉明禋義實彝典悉稽公言

追惟感慕虔告是申

弘文館副提學臣李植撰

宣陵表石陰記

前面篆大字朝鮮國成宗大主宣陵貞顯王后附左

成宗康靖仁文憲武欽聖恭孝大王 皇明天順

元年丁丑七月三十日誕生辛巳初封者山君成

化四年戊子加封者乙山大君己丑十一月即位

弘治七年甲寅十二月二十四日昇遐乙卯四月

六日葬于廣州西學堂洞壬坐之原在位二十五

年壽三十八 皇朝賜謚康靖 繼妃慈順和惠

昭懿欽肅貞顯王后尹氏天順六年壬午六月二

十五日誕生成化九年癸巳初封淑儀庚子十月

冊封 王妃嘉靖九年庚寅八月二十二日昇遐
十月二十九日葬于 大王陵左岡艮坐之原壽
六十九

子聖言先

二
三

徽懿慎肅恭惠王后韓氏

順陵誌文

成宗五年甲午

王后韓氏西原大系遠祖蘭高麗時策勲著名皇

曾祖尚質

實錄作德

資憲大夫都評議使司事藝文春

秋館太學士贈謚文烈皇祖起贈純忠積德秉義

補_利功臣議政府領議政議政娶藝文應教李逖

之女生明澹今為輸忠衛社協策靖難同德佐翼

保社炳幾定難翊戴純誠明亮經濟弘化佐理功

臣大匡輔國崇祿大夫上黨府院君兼領經筵春

秋館事兵曹判書娶閔氏今封驪興府夫人知中

樞府事大生之女以景泰七年丙子十月丁未生

王后于蓮花坊私第 后生而聰睿異常稍長
溫懿而肅成化三年歲丁亥 世祖封我 主上
殿下為者山君為之擇配無可意者知 后有德
容召見即定婚以其年正月十二日備禮親迎于
其第命永膺大君琰主之禮成 后入見言動中
禮 世祖與 大王大妃愛而重之時 后年幼
而儼如老成常侍左右敬謹愈至由是眷遇日隆
及 上踐阼冊為 王妃益自敬畏奉 三殿盡
孝每求珍異必具甘旨以進久而不懈待後宮寬
簡得中如養老歲元內殿禮燕儀度悉合規矩宮
中瞻望貧服留神書史列一本作讀女傳之類逐日為

課 后聞將選嬪御備衣服極其精麗待入以賜
自後服飾佩玩賜與不絕遇以恩禮無纖芥嫌色
癸巳七月 后以疾移御韓明澮第 上間日臨
幸諭勉服餌疾愈還宮十二月疾復 后累陳症
勢沉綿誠恐一朝奄至不淑願出別殿辭旨懇款
甲午三月命移御求賢殿 上與 三殿日賜臨
視禱于 宗社羣祀又為之大赦 上命明澮與
夫人時入視疾 后臨薨見明澮與夫人累日不
食命饋飯與訣曰死生有命但恨永違 三殿為
孝不終以貽父母憂耳遂薨四月己巳也 殿下
痛失良佐 三殿亦悲咽輟膳數日宮掖侍御暨

中外大小臣僚莫不號哭 上命羣臣議謚賜謚
曰恭惠六月庚申葬于坡州 恭陵之東乙山卯
坐酉向之原號曰順陵 后德性之美鍾於天賦
故克主陰治舊本作德宮闈肅穆上奉 慈極則三
殿交歡內資 至尊則一國承化自古后妃之賢
鮮有儷者獨其大命有數享壽不永臣民罔不悲
感云

封 王妃教命文

成宗二年辛卯正月十九日壬辰

撰進之臣姓名不傳

王若曰自古有國家者必資內助之賢以成治化
之隆咨爾韓氏家傳積德系出元勲予在潛邸我

世祖大王選以為配克備婦道率禮無愆今予
纘承丕緒乃作臣民之主儷體居尊宜正位號肆
冊為王妃於戲惟恭儉可以治內惟慈仁可以化
下服茲寵命永孚于休故茲教示想宜知悉

冊文

月日
同上

撰進之臣
姓名不傳

王若曰乾與坤而合德萬物資生后立配而刑家
一國興化茲循成憲用伸寵章咨爾韓氏積善名
門元勲茂族勤儉之德夙著柔靜之性天成自在
潛邸之時已為嘉耦逮踐丕祚之日益貧洪猷宜
加顯冊之封以正中壺之位於戲仁敦麟趾闡風

化於二南慶衍螽斯昌本支於百世故茲教示想
宜知悉

撰進之臣
姓名不傳

樂章

同上

猗歟大東受命溥將倪天維德克配乾剛化隆宜
國丕顯其光百禩是道申錫無疆

撰進之臣
姓名不傳

憲宗皇帝封

王妃誥

成宗元年庚寅五月
朔日戊寅欽差太監金

興寺
來宣

妻與已齊人倫之正婦從夫貴彛典所先朝鮮國

王李

成宗
御諱

妻韓氏聿脩順德作配賢英夫既進

於王封爾宜相於宗祀是用封為朝鮮國王妃於
乎誦鷄鳴之詩尚無忘於儆戒衍螽斯之慶庶有
裕於承傳祗服訓詞永綏福履

謚冊文

午

○按宗五年甲午五月二十日丙

年丁巳二月初七日巳卯附廟前四日所加上而冊文不傳

履中體順既隆資內之功定謚易名宜崇顯後之
禮粵稽古典用加徽稱咨爾大行王妃韓氏端一
誠莊幽閑貞靜名門毓秀早凝偃月之姿潛邇來
嬪夙著覩天之德洎紹大統遂陟中闈基王化於
二南正母儀於一國憂勤在念警戒相成庶協燕
祺之祥式衍螽斯之慶昊天不弔大運難逃永失

好速孰進鷄鳴之戒每懷良佐曷勝鑑亡之悲載
舉縟儀誕揚懿範是用遣領議政申叔舟奉冊贈
謚恭惠英靈不昧寶命是承思媚思齊揚鴻號之
煥赫俾昌俾熾扶景祚於久長

哀冊文

甲午

撰進之臣
姓名不傳

維成化十年歲次甲午四月乙卯朔十有五日己
巳 大行王妃薨于求賢殿越六月初十日庚申
遷座于順陵禮也蜃衛宵陳驚輅曉發銘旌婀娜
於酸風翻翬逶迤于素月徧雙闕之岩嶢指重泉
之幽鬱 主上殿下悲良佐之早辭悼幽明之永

隔爰命詞臣俾揚顯冊詞曰天地交泰品物咸亨
陰陽迭運歲功乃成后德之賢王化攸始夏啓塗
山周興渭涘天眷聖朝世有淑德溥彼清原韓
惟景族奕世載美碩媛乃生來嬪潛邸惟德
之行內助弘多大命有歸暨陞椒掖克整壺儀
天子曰嘉賜之寵光鸞誥斯煌龍袞有章逮下仁
覃服澣儉昭齊明夙夜敬承宗祧宴私不形率
禮益虔德原載地道光承乾王化隆於二南母儀
形于一國擬享遐齡永膺多福奈榮衛之暫乖竟
大漸而惟幾忽皇祗兮喪位俄月御之淪暉嗚呼
哀哉痛徹三宮悲纏九重哭成雷於六宮淚

為雨於羣工仰懿範其何之慨嬰慕而莫從嗚呼
哀哉魚軒未駕象服徒設粧奩兮香欲歇珩珮兮
音已絕愴矣因山厝之有日儼帷帟以異行合簫
挽以悽咽烟幕樹以增悲雲披野而慘色嗚呼哀
哉佳城卜吉龜兆協神嗟大隧之一肩夏厚夜之
不晨嗚呼哀哉自有天地孰無終始仁未必壽聖
無不死唯俛天之至德與儷日之休光永百世而
不朽托書史而流芳嗚呼哀哉

昭敬殿樂章

年乙未 成宗六

猗歟 賢后德本性成配天作合與日為明柔順

撰進之臣
姓名不傳

中積英徽外宣化行邦國於千萬年

猗歟曲
○初獻

維上帝降

聖人睠初載稟慶卿門儷極作配淑

德婉容俔天妹順為承乾明維邈日坤道克成靡

有失儉以資禹勤以承堯夙夜儆戒德音昭塗山

翼夏太任媚姜於顯厥美遠齊芳椒宮垂範彤史

揚名億萬斯年永飛聲

維上曲
○亞獻

猗

淑聖應資生來媯汭嬪周京懿範冠層闈綸

翟有輝體坤元資乾極率禮行儀不忒肅雍成內

治王化攸始維顯德婉柔祗播厥美于鼎彛鴻徽

耀無彊與天同長維

闕宮宅徽靈祀事修黍稷

馨鍾鼓奏愔愔肸蠁來歆

神之格可不思悅洋

洋如在茲穰穰降百祥俾我熾昌

○歲聖曲終獻

撰進之臣姓名不傳

順陵表石陰記

前面篆大字朝鮮國恭惠王后順陵

徽懿慎肅恭惠王后韓氏 成宗大王元妃景泰
七年丙子十一月十一日誕生成化三年丁亥行
嘉禮己丑冊封 王妃甲午四月十五日昇遐六
月七日葬于坡州 恭陵南岡卯坐之原壽十九

慈順和惠昭懿欽淑貞顯王后尹氏

行錄

中宗御製○中宗二十五年庚寅八月二十三日庚辰傳曰誌文何以

為之其不見行迹而猶可為耶必見行迹而為之耶三公及禮曹啓曰誌文已令沈

思順製之但末見實迹矣議謚時必知其懿範善行而後為之實迹傳曰知道俄而

下備忘記于禮曹上追遽略書大妃生時以諱言留之今予追遽略書大妃生

慈順王大妃尹氏坡州人也父壕為新昌縣監時

壬午六月戊子生於縣衙故以昌字作名曰昌年

先是母田氏夢見於天上綵雲中天女下降入懷

甚奇之因以有娠父母心甚異焉年十二歲癸巳

六月癸酉選入淑儀貞熹昭惠兩王后特加

撫之教以婦道承順無違貞熹王后常稱嘆曰

以爾試觀之人必幼年選入然後可以易教亦可
易習 貞熹王后又常教 成宗曰尹淑儀年少
而醇謹寡言異於他人己亥生翁主庚申十月冊
封 王妃性慈惠聰敏博學多聞事 成廟小心
日新少無妬忌撫恤諸妃嬪子女如己出終始無
間上孝 慈闈下撫眷屬雖古王后無以加焉
成宗每稱歎曰自古婦人鮮不妬忌予心之安實
由中宮可謂賢妃 昭惠王后喜溢顏色常稱曰
中壺得人夙夜何憂乙巳十一月九朔生公主宮
中驚駭戊申三月己巳生大君實錄注云即庚戌
十一月生公主丁未二月癸丑五月幸本第獻壽

世子與嬪扈駕赴宴人皆稱慶壬子五月親蠶于
昌德宮禁苑燕山早失慈母大妃撫育倍於已
子內外皆稱歎不已不幸甲寅十二月成宗晏
駕大妃撫膺痛哭不食數日因此患疾幾至於
危昭惠王后百般救藥文昭延恩薦新數
進不怠誠孝出於天性遭燕山昏亂憂心焦慮寢
息不安因此罹病艱難得差甲子四月昭惠王
后薨逝哀痛罔極燕山欲短喪大妃據古禮教
之曰三年之喪自天子達於庶人天下之通喪也
豈可為短喪我不敢從燕山勃然曰婦有三從之
義時王之法何可不從大妃心雖大恨黽勉從

之徑脫衰服教諸左右曰我得罪於昭惠王后
終身憾恨焉丁丑五月忽患大疾移御于齊安大
君家六月得差七月還御于昌慶宮壬午十二月
又感疾幾至於危予親禱於內苑焚香祝天大病
自愈庚寅六月因微恙轉劇彌留三朔八月初六
日移御于桂城君家證勢危重八月十七日還御
于景福宮承政院證轉危革十九日還入于景福
宮東宮二十二日薨于正寢

誌文

庚寅

謹按王后姓尹氏坡平世家遠祖諱莘達佐麗
祖封三韓功臣有孫金剛位至僕射生諱執衡繼

為僕射其子門下侍中瓘佐肅睿兩朝出入將相
平女真置九城封鈴原君開國伯侍中生政堂文
學彥順文學生兵部侍郎惇信至其曾孫監察御
史純生鈴平府院君珪厥後有諱陟封坡平府院
君生門下評理承順寔皇高祖皇曾祖本朝佐命
功臣坡平府院君坤皇祖贈議政府領議政三山
皇考議政府右議政鈴原府院君壕皇妣延安府
夫人姓田氏贈議政府右議政佐命之女亦延安
望族也以天順壬午六月戊子誕后于新昌縣
之公衙初夫人夢神女乘彩雲入懷中因有娠既
而生后父母竒異之已知其為貴徵成化癸巳

后年十二選入宮封淑儀即成廟在位之第

五年也后性稟聰敏心存純謹貞熹昭惠

兩王

舊本無王字

后撫待特甚教以婦道承順無違

貞熹王后每稱歎曰以尹淑儀試之則舊本無則字選

女宜在年少其教易習故舊本無故字也會王妃尹

氏罪廢歲庚子十月遂正位中宮窈窕之求不煩

於寤寐葛藟之化素孚于媵侍率禮蹈和久而彌

虔成廟每稱曰婦人鮮不妬忌自得賢妃舊本作配

予心安焉昭惠王后亦喜溢於色曰中闈得人

夙夜何憂明年辛丑憲宗皇帝制曰尹氏夙事

于王克襄內治職貢惟修久而不替茲特封為朝

鮮國王繼妃錫之誥命以為爾榮尚其祇服用光
閨閭并賜冠服紵絲羅西洋布等件寵命有章一
國與榮時鈴原公尚無恙 后數幸其第獻壽國
人以為盛事弘治壬子率諸嬪親蠶于昌德宮之
禁苑務敦本也 成廟為頒赦肆恩及 成廟上
賓號擗不食幾至危殆賴 昭惠王后救護得全
燕山朝封為 王大妃加上慈順之號 昭惠王
后之喪燕山主舊本無主字議行短制 后據禮執以
為不可且曰我不敢從主愠甚以婦人三從之語
答之 后歎曰我其得罪於 昭惠明矣燕山末
年失道滋甚朝野岌岌莫保朝夕正德丙寅九月

羣臣奉

后教翊扶

聖明入繼

舊本作承

大統中興

之業比古有光自後於國政一無所與然

舊本有字

深遠之猷不忘頃刻姑息之惠無假絲毫至章

敬王后薨逝

后惜其賢德之早逝悶其

元良

之失恃為之慟悼不已其所以調護世子有非

外間所盡知者宮中有灼鼠之變上命鞠問內

人未得其狀

后以謫札付推官即辨決置罪朝

廷搢紳之士下至縫掖之徒無不嘖嘖稱快嗚呼

誕育

聖子丕闡中興

舊本作絕

之緒保護

神孫

神

孫

舊本作宮

益鞏萬世之基雖古后妃之賢

古后妃之賢舊

之本賢妃

未有盛德大功如此其卓爾者也

后嘗

疾病甚革 上親禱于內苑焚香祝天病良愈人
以為孝誠所感至是又患疾彌留累月 上常侍
藥非親嘗不敢進竟不效薨于景福宮之正寢寔
嘉靖庚寅八月二十二日也春秋六十有九 上
哀毀不能進粥食者三日殯後猶日五哭奠盡哀
左右不忍聞內而宮掖外而朝廷莫不號慟失聲
禮官會宰相議謚咸曰按謚法有曰大慮克就曰
貞行見中外曰顯 大行大妃定大策於板蕩之
日而大業再興辨大疑於宴安之時而大本益固
不其貞矣乎德著於中壺而無女舊本作檢謁之私化
行於外庭而有肅雍之習不其顯矣乎謹上謚曰

貞顯王后又加上徽號曰昭懿欽淑用是年十月

二十九日乙酉葬于宣陵之左艮坐坤向艮坐坤向

實錄作丑之原從遺命也嗚呼后之聖德無

不周備至於誠孝出於出於舊本天性上奉慈

殿極其歡心凡遇節物先薦原廟終不少弛又

撫恤諸子女如已出燕山主為世子時亦未知其

非生母也及病分遺財遍賜親戚而未嘗為子弟

舊本無子求恩澤又欲嘗鷄鶩肉有內親得之以

獻后戒毋令外人知蓋慮其供進之弊也疾病

之際人所易昏而聖心之謹有至如此平時

聖行槩可見矣嗚呼后之聖德有非言語文字

所能形容而至於內行之懿幽而不顯謹掇拾其
彰徹在人耳目者誌之亦千百之一二耳然後之
人因是以徵雖古之塗莘任姒無以尚之嗚呼盛
矣哉 后誕今 上又生三公主皆夭今 上初
聘坡原府院君尹汝弼女封中宮即 章敬王后
生一男一女男 世子仁宗御諱聘贈議政府右議
政朴壻女孝惠公主下嫁延城尉金禧今 中宮
領敦寧府事尹之任女生三女長懿惠公主下一本
許作嫁清原尉韓景祿兩公主幼前嬪朴氏生一男
二女男前福城君嵎娶前縣監尹仁範女女長惠
順翁主下嫁光川尉金仁慶次惠靜翁主下嫁唐

城尉洪礪貴人洪氏生一男錦原君吟娶敦寧府主簿鄭承休女淑媛洪氏生一男海安君崹娶忠清道水軍節度使柳泓女淑媛安氏生一男永陽君岺淑媛李氏生二女長貞順翁主下嫁礪城尉宋寅次幼

議政府左議政臣李荇撰

封王妃教命文成宗十一年庚子十一月初八日甲申上南仁

政殿以封王妃教命冊寶命服授正使領議政鄭昌孫副使戶曹判書李鐵堅至

宣政門外王妃出就宣政殿月廊拜受如儀

自古帝王必擇建賢妃所以承宗廟而御家邦也粵予眇末嗣守丕基庶賴我內治之助屬茲多故

中闈再缺念惟坤位不可久曠咨爾尹氏名門淑
德早充宮庭夙有顯聞茲承 懿旨冊為王妃於
戲乾坤合德聖人則之爰立厥配以正位號服茲
寵命勗之哉

冊文

月日
同上

撰進之臣
姓名不傳

建極立民非獨資於外輔齊家治國亦必賴於中
闈茲率舊章載揚顯冊惟爾尹氏齊莊貞靜徽柔
懿恭膺妙選於後宮播令聞於內壺媚于 三殿
可嗣太任之徽音輔予一人庶幾塗山之至德允
副宮庭之望光增禴翟之儀於戲葛之覃兮勉率

勤儉之俗鷄既鳴矣佇聞箴警之言

撰進之臣
姓名不傳

樂章

月日
同上

思齊 聖后天作之合正位于內立我坤極姜嫄
佐譽二妃興媯於萬斯年福履綏之

憲宗皇帝封

王妃勅

月 歲宗十二年辛丑五
十六日庚寅使臣內

撰進之臣
姓名不傳

官鄭同金
興來宣

得奏承祖母與母之教將繼室尹氏廢置外第欲
立副室尹氏為妻乞賜誥命冠服等因特准王奏
頒賜誥命封尹氏為朝鮮國王繼妃并賜冠服紵

絲羅西洋布等件至可領之

封 王妃誥 月日同上

奉天承運皇帝制曰朕惟帝王之治以天下為家
必順天下之情以為治矧藩君能攄誠於中國者
可不因其情以推恩於伉儷哉朝鮮國王李宗成
諱副室尹氏夙事于王克襄內治職貢惟修久而
不替茲特封為朝鮮國王繼妃錫之誥命以為爾
榮尚其祗服用光閨闈

王大妃加上尊號 和王冊文 燕山主十一年乙丑八月二十六日

戊寅舊本作甲子正月今從實錄正之
按慈順尊號乃燕山主三年丁巳二月初
七日巳卯所上而冊文不傳又按實錄
中宗二年丁卯臺諫言廢朝所加上大妃

尊號和惠因循未便收庭議啓去其號寶

冊下

尚衣院

慈順二字

亦不書於

其號寶

御牒

今略修

正時稟

旨追載

乙卯譜

示下民莫先於孝祗奉長樂之歡有大德必得

其名誕加東朝之號載舉盛典丕述鴻休恭惟

慈順王大妃殿下淑慎柔嘉齊莊靜一周京作

嬪邁任姒之徽音漢殿怡神繼馬鄧之懿範寶訓

紀於宮史壺化彰於國風閔予幼冲之年荷茲保

佑之篤生成罔間於胎教愛敬實根於孩提思厚

載之深仁莫酬洪造摹太陰之精耀式增縟儀仰

惟徽稱允協聖善敦母慈以育後嗣秉坤順以

配先王三宮合慶於至和萬類仰庇於大惠

功兼德茂名與實符臣不勝大願謹奉冊寶加上
尊號曰慈順和惠王大妃伏惟 殿下俯諒微衷
光膺顯冊魚軒擁瑞茂迓萬福之綏鶴筭齊天永
享一國之養

謚冊文

甲戌中宗二十五年庚寅十月十八日

撰進之臣
姓名不傳

于
戊戌領議政鄭光弼率百官上謚冊

喪止於哀慎終固所自盡禮重乎謚易名惟以至
公爰舉徽稱式遵彞憲恭惟 大行慈順王大妃
尹氏淑慎明惠柔懿靜專肇神女之啓祥果沙麓
之協吉性承天而乃順德合地而無疆窈窕思媚

乎周姜孝格 兩殿儆戒相成乎 宣考治臻二
南中圯頃遭於崇極閭孽或萌於近昵顧能定興
復之大計豈難割慈愛於一時社稷再安寔坤道
之鴻造元良有賴亦孫謀之燕貽絕恩私於外家
仰謙冲於內壺子庶支視猶已出母一國化自躬
行眇予愚侘祗承鞠育庶望康寧於百歲永奉怡
愉於長春簪花忽傳灾已構於素柰媧石莫補痛
罔極於昊天茲用歸美之誠以講追崇之典吉日
斯卜寶冊寔陳謹上尊謚曰貞顯加上徽號曰昭
懿欽淑伏冀 明靈俯膺顯號申錫景命以延瓜
瓞之綿默佑洪圖俾繫苞桑之固

承政院左承旨

臣

黃士祐

撰

哀冊文

庚寅

維嘉靖九年歲次庚寅八月戊午朔二十二日己卯貞顯王后薨于景福宮東宮之正寢越三月乙酉從葬于宣陵禮也龍轎夕啓蜃駕曉愼離清禁之邃嚴指玄宮之幽閒哀子主上殿下哀三朝之莫展悼重泉之永隔命綴鴻芬載光鳳冊其詞曰圓方配德曜魄齊明聖人是象王道以成展我邦媛承事成廟赫矣陽德允資陰教爰初降生夙彰倪表天妹入懷芳聞在命璿式金相宜其神極雅有懿範輔以詩禮葛藟增徽蘋蘩闡

譽思齊思媚是任是姒上承下撫厥成天至栗栗
昏朝式至今休四訓無爽六行俱修啓茲太平莫
非其則明以能斷動惟遠識割絕恩愛固我宗
圖末命孔晰少陽是扶感人即深遐邇悲呼嗚呼
哀哉彩淪素舒象隕靈婺題湊初備社飯曷又嗟
聖衷之罔極兮跼窮壤而哀慕日月邁而不居
兮風樹淒其霜露嗚呼哀哉周花甲而加九兮祝
椿歲而添千撫天時之適轉兮傷人事之變遷王
衣兮晨舉蘭殿兮晝陰原野兮逶迤樹木兮蕭森
卜佳城於鮒隅兮扁厚德於燕隧百僚悲而雨泣
兮三靈慘而雲泣嗚呼哀哉有形有化兮萬古一

理不朽者存兮天地終始明明淑德兮愈久愈彰
托芳輝於貞珉兮永百歲而不忘嗚呼哀哉

司諫院大司諫

臣

沈彥光

撰

列聖誌狀通紀卷之十一



